

Чужанинӧй – сьӧлӧмиӧрӧй!

Быд мортлӧн эм аслас чужанин. Менам чужан муӧй – тайӧ Коми му. Сійӧ нималӧ уна вӧръясӧн, быдсикас быдмӧгӧн да озырлунӧн.

Ме ола Шӧръяг нима коми посёлокын. Сійӧс гӧгӧртӧма быд боксянь вӧр. Водзинсӧ миян пӧль- пӧчъяс пӧрӧдісны тані вӧр и сы места кыпӧдісны тайӧ посёлоксӧ. Регыдӧн и кыпалісны баракъяс, кӧні ми век на олам. Бӧрынджык вольсалісны асфальт.

Миян вӧрын быдмӧ быдсикас вотӧс, тшак, тусь. Тшакъяс пиысь солалӧм вылӧ ме ӧктивла ельдӧг да рыжик. Жаритӧм вылӧ ме сідзжӧ вотла еджыд гоб да гӧрд гоб. Сідзжӧ ме радейта вотны и тусь. Вӧрса тусьясын эм вель уна витамин. Чӧдйысь ми радейтам пуны варенньӧ, а пувйысь - морс. Найӧ артмӧны зэв чӧскыдӧн.

Миян посёлок дорын визувтӧ Эжва ю. Гожӧмнас сэтысь ме радейта кыйны чери. Но медся сьӧкыд кыйны сирӧс. Сідзжӧ гожӧмнас ме радейта купайтчыны ёртъяскӧд ыркыд юын.

Тӧвнас, кор усяс лым, миян Шӧръягным дзоньнас еждӧ эзысь ярьюгыд эшкынӧн. Посныдджык челядь петӧны ворсны ывла вылӧ: радейтӧны лыйсьыны лым шмакӧн, вӧчны лымбабаӧс, исласьны даддьӧн. Гырысьджык челядьыс исласьӧны кыр йывсянь лыжиӧн.

А кутшӧм гажа да мича вӧрыс арся кадӧ! Быд корья пу вӧччӧ аслыспӧлӧс платтьӧӧ, быд пулӧн аслыссикас рӧм. Но ар помын найӧ гылалӧны му вылӧ, вевтьӧны сійӧс уна рӧма джодждӧраӧн.

Тулыснас менам да менам ёртлӧн ӧти лунӧ чужанлунным. Ми пасьям сійӧс быд во ӧтлаын. Корам миян гаж вылӧ став ёртъяснымӧс да бура и гажӧдчам: сёям – юам пӧттӧдзным, кывзам сыланкывьяс, ворсам да дурам.

Но менам эм ёщӧ ӧти зэв ёна радейтана гаж – тайӧ Виль во. Школаын ми пасьям сійӧс Кӧдзыд Пӧлькӧд да Лым Нывкӧд быд во ӧшым тӧлысь кызь ӧкмысӧд лунӧ. Ми чукӧртчам велӧдчысьяскӧд да велӧдысьяскӧд мичмӧдӧм коз дорын, пӧттӧдз сылам, йӧктам да сьӧлӧмсянь гажӧдчам.

Со өд кутшөм бура ми олам миян дона да муса Шөръягын. Өд тани менам чужанинөй. Быд мортлы чужан муыс медся бур да радейтана. И көть кытчө он мун, көть кутшөм бур места он адзы, ставнысө век бөр кыскө аслас чужанинө, оланинө. Менө тай век кыскө гортө –а. А ті кыдзи чайтанныд?

